





C 83

R





ARTICLES

ET CONDITIONS DV

TRAICTE' FAICT ET CON-
clu entre l'Altesse du PRINCE DE PAR-
ME, Plaisance, &c. Lieutenant, Gouver-
neur & Capitaine general és pays de parde-
ça au nom de sa MAIESTE', comme Duc
de Brabant, & Marquis du saint Empire
d'une part; & la ville d'Anuers, d'autre part;
le xvij. iour d'Aoust l'an M.D.LXXXV.



Papier

A P A R I S,

Chez Iean Richer, rue saint Iean de Latran,
à l'arbre Verdoyant.

Suiuant la Copie imprimee à Anuers. 1585.

AVEC PRIVILEGE DV ROY.

078

Case

F

39

.326

1585ME

THE NEWBERRY
LIBRARY



OMME les Bourgmaistres, Escheuins, Tresoriers, Receueur, & Conseil de la ville d'Anuers, ayent par aduis & resolution tant d'eux que des autres membres du Breedē-Raedt: ensemble par aduis & aduen des Colleges, des Coronnels, Doyens des six Guldes ou Confreries fermētees, & quatre vingts Capitaines de ladite Ville, enuoyé vers son Alteze leurs deputez, les Sieurs Philippe de Mar-nix, Seigneur de Sainte Aldegōde, Bourgmaistre de dehors; Guillaume de Merode, seigneur de Duffele; Jean de Scoonhouen Cheualier, Escheuins; Maistre André Hessels, Mathieu de Lannoy Escheuin, maistre Loys Meganck, Cornelis Preuenen, Philippe de Landt-metere vieu Escheuin, Adrien Bardoul Hooft-man de la porterie; Iehan de Weerdt, Gilles Sautin, wijckmaistres; M. Henry van Vssele vieu wijckmaistre, Arnould Boudevvijs Doyen des Drappiers, Guillaume van Scootē vieu Doyen des Merchiers, Iehan Godin vieu Coronnel, Iehan Rademachere, Loys Malapart Coronnel, Herman van Dadenborch

Doyen de la nouuelle arcbailestre, Henry van Erp Doyen du vieu arc a main; Iehan Garin, Thierry van Os Capitaines de ladite Ville, suffisammēt auctorisez pour traiter, conclure & arrester leur reconciliation avec le Roy leur souuerain Seigneur & Prince naturel: lesquels apres auoir verballement declairé leur charge & exhibé articles par escrités mains de sadite Alteze; & depuis par charge d'icelle communiqué & conseré diuerses fois avec les Presidēs & Cōseillers, Pamele, d'Assonleuille, Richardot & Vanderburcht, y present l'Audiencier Verreyken, sur ladite Recōciliation, s'y estans representees plusieurs difficultez, d'une part & d'autre; en fin se sont lesdits Deputez au nom que dessus, cōtentés des poincts & articles que son Alteze leur a, au nom de sa Maiesté, benignement consenti & accordé, en la forme & maniere que s'ensuit.

I.

P R E M I E R E M E N T, puis que ladite Ville, Bourgeois & inhabitants d'icelle, se remettent humblement sous l'obeissance du Roy, comme Duc de Brabant & Marquis du S. Empire, leur souuerain & legitime Seigneur & Prince naturel, cōme ils estoient du passé: renonceans à toutes ligues, traittez & confederations que

durans ces troubles, ils peuuent auoir faict en preiudice de sa Maiesté; son Alteze aussi reciproquement au nō d'icelle; nonobstant toutes choses passees, les recoit, & veut traiter en toute douceur & paternelle affection, cōme bons vassaux & subiects: les reioindant avec le reste de Brabant, pour doreseuuant viure en amitié & concorde avec les autres villes & prouinces de l'obeissance de sa Maiesté, comme ils faisoient auant cesdits troubles: Declairant son intention estre que les anciennes alliances & traittez avec le Saint Empire, Princes, pays, & villes, sur le faict du commerce, trafficque, marchandise & autrement, soient punctuellement entretenus, & où besoing sera, renouuellez, pour le plus grand bien de la Ville.

II.

Et pour oster toutes occasions de diffidence; Accorde pardon & oubliance generale & perpetuelle à tous & chacun des bourgeois & inhabitans presens & absens de ladite ville; & à tous ceux qui s'y tiennent à present, en general & en particulier, sans exception quelconque, de tous les excez, faultes, desordres, mefuz, forfaitz, crimes de leze Maiesté & autres, par eux commis durans ces troubles, pour grands ou griefs, & de quelque qualité qu'ils

soiēt, où puissent estre tenus, & sans aucū excepter : dont la memoire demeurera esteinte & assopie, comme de choses non aduenues, sans que iamais ils puissent en estre recherchez, inquietez ou reprochez, en façõ ou pour quelque occasion que ce soit, A peine de punir & chastier les contreuenans, comme perturbateurs du repos publicq, & ce non seulement au regard des viuās, ains aussi des morts, à l'effect qu'à la memoire & heritiers d'iceux, ne se fera aucune hõte, iniure ou reproche: Avec defense & interdiction à tous Fiscaux, Procureurs generaux, Iusticiers, Officiers & toutes autres personnes publiques & priuees, de quelque qualité qu'elles puissent estre, d'en faire aucune recherche, poursuyte, accusation ou autre molestatiõ en façõ que ce soit. En quoy serõt comprinses les personnes interessees en leurs biens ou personnes durās celsdits troubles, qui ne pourront pretēdre dommages ou interests, ny intenter action pour Ordonnances, Actes, Resolutions ou Iugemens contre eux ou leurs biens decernez, sinon à charge des particuliers qui les auroient outragé, ou en profité de leur auctorité priuee.

III.

QUE nul desdits Bourgeois & inhabitants

& autres comprins en ce Traicté, de quelque qualité, estat ou condition qu'il soit, ayant durs ces troubles seruy ou assisté au Conseil d'Estat soubs l'Archiduc Mathias, le Duc d'Alençon, en l'Assemblée des Estats generaux, Estats de Brabât, leurs Deputez, ou autre Superiorité, Conseil de Brabant, Finâces, Chambres des Comptes, des Aydes, au Magistrat, Bancs subalternes, Chambre des Coronels & seize Capitaines, & en toutes autres Chambres & Colleges d'icelle ville, y erigez par les Bourgmaitres & Escheuins, tant anciennement que nouvellement, ne sera molesté, recherché ou tiré en cause, en iugement ou dehors, ou autrement en aucune maniere, pour les resolutions, ordonnances, signatures, paraphes, ou sentences emanees desdits Consaulx & Colleges: N'y deburont respondre pour les debtes, actions ou obligations d'iceux, sinon aussi avant qu'ils en auroient particulièrement prouffité.

IIII.

Mais comme l'experience a fait voir que la douceur & benignité vsee enuers aucuns a esté de tresgrâd preiudice, pource qu'ils ont esté de ville en ville, y troubler l'estat & empescher leur reduction; Son Alteze entendoit que les

bannis ou congiez d'autres villes ou prouinces de pardeçà, ou qui pouuans estre comprins és Traitez particuliers des villes où ils estoient du temps de la reduction, reietans la grace, se sont rendus en Anuers, se retireroient hors le pays : Toutesfois pour gratifier lesdits d'Anuers, qui luy en ont faict grande instance, & pour l'esperoir qu'elle a que les susmentionnez se conduiront modestement à l'aduenir : Leur permet, ou de continuer leur residence en ladite ville, ou de s'en retirer avec les biens meubles qu'ils y ont, selõ que mieux leur semblera, A charge de ne se plus mesler de la guerre, ny autrement faire mauuais offices, contre le seruice de sa Maiesté, le bien & repos des pays, ny empescher directement ou indirectement que les autres villes ou Prouinces ne se reconciliēt & remettent soubz l'obeissance de sadite Maiesté: Soubs peine d'estre priuez & forclos de toute grace.

V.

QUE tous lesdits Bourgeois presens & absens, & outre iceux les inhabitans, doiz au parauant le Traité de Recõciliation des Prouinces d'Artois, Haynault, &c. rentreront plainement & paisiblement doiz le iour de ce Traité, en la possession & iouyssance de tous leurs biens

biens, soyent feedaux, allodiaulx ou autres, en quelque place ou lieu de l'obeissance de sa Maiesté qu'ils soyent situés: ensemble au capital de leurs rentes, par lettres hypothequees ou nō hypothequees, Nonobstāt tous saisissēmēs, confiscations, ventes ou alienations faites au contraire, & sans qu'il leur soit besoing obtenir main leuee ou autre prouision que cedit Traité: Le mesme aussi des actions & credits, qui seront encores en estre, & dont la Maiesté n'aura disposé: Bien entēdu que les absens qui voudront iouir du fruiēt d'iceluy Traité, sortiront hors des pays ennemis deans trois mois apres la publication. Et en ce seront compris tous villageois de Brabāt, qui pour ceste guerre & la seureté de leurs personnes, se sont retirez en ladite ville.

VI.

ET cōme la volonté du Roy n'est pas de depeupler ceste ville tant principalee fondee sur traffique & marchādisē, ny rigoureusement enchasser ceux qui y sont: tous lesdits bourgeois & inhabitans y pourront continuer leur résidence l'espace de quatre ans entiers, sans y estre recherchez ou inquietez au faict de leurs consciēces, ny cōtraincts à nouueaux sermēs pour le faict de la Religion, y viuans paisiblement

fans desordre & scandal : pour ce pendant ad-
uifer & se resouldre , s'ils voudront viure en
l'exercice de la Religio ancienne, Catholique,
Apostolique, Romaine : pour en cas que non,
se pouuoir lors & endens ledit temps quand
bon leur semblera, librement retirer hors du
païs: Auquel cas leur sera permise la libre iouis-
sance de tous leurs biens , pour en disposer, les
trāsporter , vendre ou alierer selon qu'ils trou-
ueront cōuenir: ou bien les faire regir, receuoir
& administrer par tels qu'ils voudrōt deputer.
Et venās à mourir hors ou dedans le pays sans
tester , lesdits biens suiuront les plus proches
heritiers en ligne directe ou indirecte.

VII.

QUE reciproquement le Roy rentrera en
ses demaines, biens, droits & actions; Comme
aussi feront en tous leurs biens , actions & cre-
dits, tous Prelats, Colleges, Chapitres, Mona-
stères, Hospitaux, lieux pieux, & generalemēt
toutes personnes Ecclesiastiques ou seculieres,
publiques ou priuees , ayans suiui le parti de sa
Maiesté; ou se retiré en pays neutre ; pour par
tout où ils les trouueront, les reprēdre, vendic-
quer, & en iouir plainement, libremēt, & fran-
chement, comme parauant ; ores qu'ils fussent
vendus ou alienez. Excepté ce qui est appliqué

II.

aux fortifications des villes, rues, marchez & autres vsages publics: Sur quoy se deputeront Commissaires pour recompēser les propriétaires, de la valeur des fonds, ou autrement y ordonner selon qu'ils se trouuera conuenir.

VIII.

ET quant aux maisons & edifices bastis dedans ladite ville sur les fonds & heritages vuydes des Ecclesiastiques, dont lesdits d'Anuers ont fait instance; Comme c'est vn poinct qui ne peult se decider promptement & sans cognoissance de cause: S^o Alteze en remet la decision iusques à ce qu'elle soit en Anuers, que lors elle deputera Commissaires pour inspection des lieux faicte, ouir les parties interessees & apres y ordonner equitablement selon qu'en termes de droit & raison lon trouuera se debuoir faire.

IX.

A V S S I iouront des arrierages deuz, ou par le Corps de la ville, ou par les Estats de Brabāt au quartier d'Anuers: Mais quāt aux fruiets & reuenus des immeubles & arrierages des rentes deuës par les particuliers, receus & employés par charge & autorité des Estats ou du Magistrat, ne s'en pourra pretendre restitutiō,

finon des particuliers qui en auront fait leur prouffit. Et pour le regard des meubles, ils se pourront d'une part & d'autre repeter, vèdicquer & reprendre quelque part qu'on les trouue en estre, & ce par Iustice ordinaire, & sans vsfer de voye de faict.

X.

Q V E nuls Tresoriers, Receueurs, Officiers & aultres ayans eu maniâce des deniers d'Aydes, Impositiōs, demaines, ou autres, faisis & administrez de la part des Estats ou Magistrats, quels qu'ils soyent, ne seront molestez ou inquietez pour les sommes & parties qu'ils mōstreront auoir fourni & payé par descharges & ordonnances desdits Estats, leurs Deputez ou Magistrats; ny leurs comptes subiecs à recherche ou reuision, sinon à tiltre d'erreur ou fraudes en iceux commises; qui se vuyderont en la maniere accoustumée & par ceux qu'il appartient.

XI.

Q V E toutes procedures encōmencées, sentēces, lettres de grace, de Iustice, & autres, données & octroyees par ceux ayans tenu le Conseil en Brabant, par le Magistrat & aultres Colleges de Iustice ayans en auctorité de Iudica-

ture en semblable cas, entre ceux qui ont esté presens & aduoué leurs Iurisdiccions, serōt valables, pour euitier confusion: Bien entēdu que les parties interessees pourront se pourueoir, si bon leur semble, par voye de reuision, appellation, ou reformation, suiuant les coustumes ou priuileges de Brabant: Pourueu que le tēps ordinaire pour appeller, reformer ou reuider, ne seroit expiré. Mais quant aux sentences rédues par deffaults ou cōtumaces d'une part & d'autre contre les absens; les condamnés serōt ouys & reintegrez en leurs actions & exceptions, du moins soubz benefices de reliefs.

XII.

Q V E toutes exheredations, donations, dispositiōs d'entre vifs ou à cause de mort, faites par haine de Religion, ou à cause de ces troubles, & durans iceux d'une part & d'autre, seront tenues pour cassées & de nulle valeur; & toutes successions *ab intestato* escheuës pendāt ledit temps, suiuront les proches & legitimes heritiers.

XIII.

E T comme les marchans, bourgeois & inhabitans & aultres cōprins en ce Traité, pourroyent estre interessez, si auant que ceux de

Hollande, Zelande & autres Prouinces & villes des pays bas continuans la guerre contre sa Maieſté, voulussent conſiſquer les biens, nauires, marchandises, deniers, actions, credits & arrierages competans ausdits d'Anuers & autres que deſſus; Son Alteze promet que quand elle traictera avec eux, elle procurera que ce ſoit ſans preiudice deſdits d'Anuers, & à condition qu'ils ſeront payés & ſatisfaits de tout ce que leur ſera legitimement deu, & auront reſtitutiō de tous leursdits biens & marchādises.

XIII.

A v fait de la monnoye, cōme il eſt trefneceſſaire, pour le bien de la Ville & du traffiq y donner & eſtablir quelque bon ordre, Son Alteze quand lon ſera d'accord & de ſeiour, y fera avec l'aduís des Eſtats de Brabant, & participation du Magiſtrat, & principaux marchās, prendre vn pied, à la moindre foulle du pays, & au plus grand prouffit & ſoulagement des ſubiects: Et ce pendant auront cours en ladite Ville, toutes ſortes de monnoye d'or & d'argēt, ſelon qu'il eſt preſentement, ſans les pouuoir haulſer.

XV.

Et afin que le traffique puiſſe dereche eſtre

remis en son entier, seront affranchis les ponts, ports & passages, en payant les droits & tonlieux deuz à sa Maiesté, & aux Vassaux respectiuelement.

XVI.

ET ores que son alteze desireroit grandement que toutes impositions, gabelles & autres charges, mises sus durant ceste guerre, fussent esté ostées & abolies, pour soulager le pauvre peuple, & luy donner moyen de respirer: Toutesfois elle consent que pour payemēt de leurs debtes, obligations, assignations, rentes & pensions, lesdites impositions, gabelles, & charges soyent cōtinuees: Pourueu toutesfois que ledit payemēt ne se face à ceux qui seront ennemis, ou continueront la guerre contre sa Maiesté, & les villes & prouinces de son obeissance.

XVII.

QUE tous leurs priuileges tāt generaux que particuliers, dont ils ont legitimement iouy auant ces troubles, leur seront punctuellemēt maintenus & gardez, pour en iouir paisiblement & librement, comme auant cesdits troubles.

XVIII.

Q V E tous ceux desdits Bourgeois & inhabitans, soit qu'ils soyent en serment ou seruice de ladite ville, ou non, qui apres la conclusion de ce Traité voudront se retirer pour chager domicile ou pour aultre respect, le pourront en tout tel temps que bon leur semblera, librement faire aiec leurs femmes, enfans, familles, & tous biens meubles tant marchandises que aultres, par eaue & par terre, sans qu'il leur soit donné aucun empeschement, ou qu'il sera besoing d'auoir passeport: Et pourront ceux qui se retireront en prouinces & places neutrales, ou celles qui seront sous l'obeissance de sa Maiesté, librement & franchement passer & repasser, marchander & traffiquer esdits pays de l'obeissance de sa Maiesté, & disposer de leurs biens meubles & immeubles, ainsi qu'ils trouueront conuenir, Ou les faire regir, receuoir & administrer par tels qu'ils voudront deputer: & aussi y retourner & reprendre leur domicile, sans estre obligez d'impetrer aultre prouision, que ce present Accord.

XIX.

L A mesme liberté se donne aux maroniers de ladite ville, s'il en y a aucuns qui se vueillent retirer

retirer avec leurs batteaux propres: ne fust que son Alteze se voulust seruir desdits batteaux, comme elle pourra faire en payant le prix d'iceux, selon la iuste estimation que s'en fera.

XX.

Et quant à ceux qui voudront aller és provinces ou villes non encores reconciliees, pour y donner ordre à leurs affaires, pourront retourner deans le terme de six mois, apres ce present Traité, pour venir demeurer és provinces & villes de l'obeissance de sa Majesté, ou en lieux neutraux, où ils iouïront de la susdite liberté de passer, repasser, negotier & trafiquer, & de tout vlterieur eff. & de cedit Traité, cōme les susdits, sans autre accord ou passeport.

XXI.

DAVANTAGE sur la remonstrance que lesdits d'Anuers ont fait, qu'ils sont subiets à arrests pour les debtes & charges de ladite ville: Son Alteze pour leur donner loisir de s'acquitter, leur consent que leurs personnes ou biens ne serōt arrestés, ny inquietez par l'espace d'un an entier, pour lesdites debtes & charges: pour ce pendāt aduiser & resoudre sur quels moyēs ils pourront estre aidés & soulagés.

XXII.

Et comme il est tresconuenable que les Eglises ruinees & demolies en ladite Ville, se refacent, pour non demeurer ceste perpetuelle ignominie à la veuë de tout le monde: les Magistrat, Cōseil & membres de ladite Ville, traiteront par ensemble, pour equitablemēt aduiser le pied qui s'y debura tenir, à lamoindre foulle d'icelle.

XXIII.

Q V E ceux qui se voudront retirer par la riuere, seront à leurs despens raisonnables accommodé de batteaux pour le transport de leurs personnes, leurs familles, & meubles; Moyennant suffisante caution pour le retour des maronniers & batteaux qui les conduirōt.

XXIIII.

Q V E les prisonniers d'une part & d'autre, n'ayans cōuenu de leur rançon, seront relaxez, en payant leurs despens: horsmis le Seigneur de Theligny; auquel son Alteze ne peut toucher: Bien s'employerat-elle à faire tous bons offices pour sa deliurance vers sa Majesté: Cōme, il est assez notoire, elle a fait pour le Seigneur de la No. è son pere.

XXV.

QvE moyennant ce que dessus, leſdits d'Anuers mettront promptement toute leur artillerie, munitions & batteaux de guerre appartenāſ à ladite ville, és mains de ſon Alteze, qui ſe reſoult d'entrer en icelle, & y mettre garde de deux mil hommes d'Infanterie, & deux Compagnies de cheuaux, logés à la moindre incommodité des Bourgeois que faire ſe pourra: Promettant ſon Alteze, que ſi ceux de Hollande & Zelande ſe reconcilient & remettent en l'obeiſſance de ſa Maieſté, ladite ville ne ſera chargée ny de chaſteau, ny de garniſon. Et en cas que non, comme elle demeureroit frontiere, ſe reſouldra lors avec la participation & adueu de ceux du Magiſtrat & autres accouſtumés entreuenir en tels affaires ſur les moyēs de l'aſſeurer contre les forces & ruſes de l'ennemy. Et pour le regard des gens de guerre qui ſont au pays de Brabant, auſſi toſt que la diſpoſition des affaires le permettra, leſdits d'Anuers cognoiſtront par eſſect, que ſon Alteze ne les tient pour fouller & trauailler les ſubiects; mais bien pour combattre & recouurer le iuſte patrimoine du Roy.

XXVI.

Au demeurant, ores que ſon Alteze ſoit fon-

dee de pretendre & demander bonne partie de la despense qui s'est faicte durant ceste entreprinse. Toutesfois pour monstrier qu'elle ne veue la ruine & destruction de ceste ville, se contente qu'elle paye la somme de quatre cens mille Florins, pour avec iceux dōner quelque contentemēt à l'armee, apres auoir souffert vn si long & penible siege:& pour le payement de laquelle somme leur sera donné terme raisonnable,& à leur plus grande commodité.

XXVII.

ET quant au Seigneur de S. Aldegonde, puis qu'il persiste à vouloir suiure le mesme parti; Lon entend qu'il promettra & iurera de ne porter les armes contre le Roy l'espace d'un an entier, doiz la date de ce Traicté.

XXVIII.

Tous lesquels points & articles ont esté conclus, arrestez & signez, tant par son Alteze que par lesdits Deputez: Promettant sadite Alteze les faire aduouer & ratifier par lettres patentes, soubs la signature & grand seel de sa Majesté, deans quatre mois de ce iour.

Fait à Beures le xvij. d'Aoust. x^{ve} quatre
vingts & cinq. R^e.

Dessoubs estoit signé

Alexandre.

Et plus bas,

Par ordonnance de son Alteze,

Verreyken.



Par auctorisation, & au nom de la ville
d'Anuers.

Ph. de Marnix.

Iean de Schoonhouen.

Matth. van Lannoy.

Cornelis Pruenen.

Philippe de Landtmeter.

Hans de V'ueert.

Aerdt Boudevvyns.

Guillaume van Schooten.

Balt. de Moucheron en lieu de Loys Malapart.

Herman van Dadenborch.

Iean Garin.

Guillaume de Merode.

And. Hessels.

Meganc.

Adriaen Bardoul.

Gillis Sautin.

Iean Godin.

Ian Radermacher.

Hendrichk van Erp.

Dierick van Os.

Le v & publié à la Puye de la maison de la ville, en presence de Messire Iehan Richardot President au Conseil prouincial d'Artois, & Conseiller d'estat de sa Majesté, & de Messire Iehan Vander Borcht President au grād Conseil de sa Majesté, à l'effe&t dudit Traité & ce qu'en depend, specialemēt commis de par son Alteze: Et des susdits Deputez, ensemble Messieurs les Escoutet, Bourgmaistres, Escheuins & Conseil de ladite ville d'Anuers: le vingtième iour d'Aoust l'an xv^e quatre vingts & cinq.

Signé

Euerarts.



145.

